


T 2511/1273b (47)

47



THE UNIVERSITY OF CHICAGO
LIBRARY

1911

DEC 3 1962

田儋列傳第三十四

史記九十四

田儋者狄人也

徐廣曰今樂安臨濟縣也。正義曰淄州高苑縣西北北狄故縣城。

故齊

王田氏族也儋從弟田榮榮弟田橫皆豪宗彊

能得人

索隱曰儋子市從弟榮榮子厲榮弟橫各逐為王榮并王三齊

陳涉之初起

王楚也使周市略定魏地北至狄狄城守田儋

詳為縛其奴從少年之廷欲謁殺奴

服虔曰右殺奴婢皆當告

官儋欲殺令故詐縛奴而以謁也

見狄令因擊殺令而召豪吏子弟

曰諸侯皆反秦自立古之建國儋田氏當王

遂自立為齊王

徐廣曰二世元年九月也

發兵以擊周市周市

軍還去田儋因率兵東略定地秦將章邯圍

哈佛大學漢和
圖書館珍藏印

魏王咎於臨濟急魏王請救於齊齊王田儋將

兵救魏徐廣曰二年六月章邯夜銜枚擊大破齊魏軍殺

田儋於臨濟下儋弟田榮收儋餘兵東走東阿齊人

聞王田儋死廼立故齊王建之弟田假為齊王

田角為相田間為將以距諸侯田榮之走東阿

章邯追圍之項梁聞田榮之急廼引兵擊破章

邯軍東阿下章邯走而西項梁因追之而田榮

怒齊之立假廼引兵歸擊逐齊王假假亡走楚

齊相角亡走趙角弟由間前求救趙因留不敢

歸田榮乃立田儋子市為齊王徐廣曰二年八月榮相之

田橫為將平齊地項梁既追章邯章邯兵益盛

項梁使使告趙齊發兵共擊章邯田榮曰使楚

殺田假趙殺田角田間廼肯出兵楚懷王曰田

假與國之王窮而歸我殺之不義趙亦不殺田

角田間以市於齊齊曰蝮螫手則斬手螫足則

斬足何者為害於身也應劭曰蝮一名虺螫人手足

索隱曰蝮音芳伏反螫音腫又音釋○正義曰按蝮毒蛇長二三丈嶺南北有之虺長一二尺頭腹皆一遍說文云虺博

三寸首大如擘手擘手大指也音步歷反今田假田角田間於楚趙非

直手足戚也文穎曰言將亡身非手足憂也何故不殺

且秦復得志於天下則齟齬用事者墳墓矣淳如

曰齧齒猶蘇蘇齒○索隱曰齧音蟻齧音紇齧側齒齧也○正義曰按秦重得志非但辱身墳墓亦發墟矣若子定月鞭荆平王墓一云墳墓言死也楚趙不聽齊亦怒終不肯出兵章邯

果敗殺項梁破楚兵楚兵東走而章邯渡河圍趙於鉅鹿項羽往救趙由此怨田榮項羽既存趙降章邯等西屠咸陽滅秦而立侯王也迺徙齊王田市更王膠東治即墨齊將田都從共救趙因入關故立都為齊王治臨淄故齊王建孫田安項羽方渡河救趙田安下濟北數城引兵降項羽項羽立田安為濟北王治博陽田榮以負項梁不肯出兵助楚趙攻秦故不得王趙將

陳餘亦失職不得王二人俱怨項王項王既歸

諸侯各起國田榮使人將兵助陳餘令反趙地

而榮亦發兵以距擊田都田都亡走楚田榮留

齊王市而令之膠東市之左右曰項王彊暴而

王當之曰膠東不就國必危市懼迺亡就國田榮

怒追擊殺齊王市於即墨還攻殺濟北王安於

是田榮曰自立為齊王盡并三齊之地索隱曰田市王膠東

田都王齊田安王濟北項王聞之大怒迺北伐齊立王田榮

兵敗走平原徐廣曰三年正月○正義田平原德州也平原人殺榮項

王遂燒去齊城郭所過者盡屠之徐廣曰立故王田假也齊

人相聚畔之榮弟橫收齊散兵得數萬人反擊

項羽於城徐廣曰假走楚楚殺之。正義曰城陽濮州雷澤是。而漢王率諸

侯敗楚入彭城項羽聞之迺釋齊而歸擊漢於

彭城因連與漢戰相距榮陽以故田橫復得收

齊城邑徐廣曰四月立田榮子廣為齊王而橫相之

專國政政無巨細皆斷於相橫定齊三年漢王

使酈生往說下齊王廣及其相國橫橫以為然

解其歷下軍漢將韓信引兵且東擊齊齊初使

華無傷田解軍於歷下以距漢漢使至迺罷守

戰備縱酒且遣使與漢平漢將韓信已平趙燕

用蒯通計度平原龍破齊歷下軍因入臨淄齊

王廣相橫怒以酈生賣已而烹酈生齊王廣東

走高密徐廣曰高一作假相橫走博陽守相田光走城陽

將軍田既軍於膠東楚使龍且救齊齊王與谷

軍高密漢將韓信與曹參破殺龍且徐廣曰四年十一月虜

齊王廣漢將灌嬰追得齊守相田光至博陽而

橫聞齊王死自立為齊王還擊嬰嬰敗橫之軍

於贏下晉灼曰泰山贏縣也。正義曰故贏城在兗州博城縣東北百里田橫亡走梁

歸彭越彭越是時居梁地中立且為漢且為楚

韓信已殺龍且因令曹參進兵破殺田既於膠

東使灌嬰破殺齊將田吸於千乘

正義曰千乘故城在淄州高苑

縣北二十五里韓信遂平齊乞自立為齊假王徐廣曰漢三月也

因而立之後歲餘漢滅項籍漢王立為皇帝以

彭越為梁王田橫懼誅而與其徒屬五百餘人

入海居島中

韋昭曰海中山曰島。正義曰按海州東海縣有島山去岸八十里

高帝聞

之以為田橫兄弟本定齊齊人賢者多附焉今

在海中不收後恐為亂廼使使赦田橫罪而召

之田橫因謝曰臣烹陛下之使酈生今聞其弟

酈商為漢將而賢臣恐懼不敢奉詔請為庶人

守海島

使還報高皇帝廼詔衛尉酈商曰齊

王田橫即至人馬從者敢動搖者致族夷廼復

使使持節具告以詔商狀曰田橫來大者王小

者迺侯耳不來且舉兵加誅焉田橫廼與其客

二人乘傳詣雒陽

如淳曰四馬下足為乘傳

未至三十里至尸

鄉廡置

應劭曰尸鄉在偃師樊鄉也

橫謝使者曰人臣見

天子當洗沐止留謂其客曰橫始與漢王俱南

面稱孤今漢王為天子而橫廼為亡虜而北面

事之其耻固已甚矣且吾烹人之兄與其弟併

肩而事其主縱彼畏天子之詔不敢動我我獨

不媿於心乎且陛下所以欲見我者不過欲一

見吾面貌耳今陛下在洛陽今斬吾頭馳三十
里間形容尚未能敗猶可觀也遂自剄令客奉
其頭正義曰奉音捧從使者馳奏之高帝高帝曰嗟乎
有以也夫起自布衣兄弟三人更王豈不賢乎
哉為之流涕而拜其二客為都尉發卒二千人
以王者禮葬田橫正義曰齊田橫墓在偃師西十五里
崔豹古今注云薤露蒿里送哀歌也
出田橫門人橫自殺門人傷之而作悲歌言人命如薤上露
易晞滅至李延年乃分為二曲薤露送王公貴人蒿里送士
大夫庶人使挽逝者既葬二客穿其冢旁孔皆自剄
歌之俗呼為挽歌 下從之高帝聞之迺大驚以田橫之客皆賢吾
聞其餘尚五百人在海中使使召之至則聞田

橫死亦皆自殺於是迺知田橫兄弟能得士也

太史公曰甚矣蒯通之謀亂齊驕淮陰其卒二

此兩人

韓信田橫

蒯通者善為長短說索隱曰蒯通長則長說

之短則短說之故戰國策亦名曰短長書是也論戰國之權變為八十一首

生嘗于項羽項羽不能用其策已而項羽欲封

此兩人兩人終不肯受亡去田橫之高節賓客

慕義而從橫死豈非至矣余因而列焉無不善

畫者莫能圖何哉索隱曰言天下非無善畫之人而不

何故哉歎畫人不知畫此也

索隱述贊曰

秦項之際

天下交兵

六國樹黨

自置豪英

田儋殲寇

立市相榮

楚封王假

齊破鄆生

兄弟更王

海島傳聲

田儋列傳第三十四

史記九十四

樊鄆滕灌列傳第三十五

史記九十五

舞陽侯

正義曰舞陽在許州葉縣東十里

樊噲者

正義曰音快沛人又士口外反

也

正義曰徐州縣

以屠狗為事

正義曰時人食狗亦與羊豕同故噲專屠者以賣之

與高

祖俱隱初從高祖起豐攻下沛高祖為沛公以

噲為全人從攻胡陵方與

正義曰方與二音

還守豐擊

泗水監豐下

索隱曰案監者秦時御史監郡也豐郡也豐縣之下也。正義曰泗水郡名破之

復東定沛破泗水守薛西

索隱曰謂破其守於薛縣之西也

與司

馬尼戰碭東

張晏曰秦司馬。正義曰秦將章邯司馬尼又碭宋州縣也

卻敵斬

首十五級賜爵國大夫

文穎曰即官大夫也。正義爵第六級也常從

沛公擊章邯軍濮陽攻城先登斬首二十三級

賜爵列大夫文穎曰即公大夫爵第七復常從攻城陽徐廣曰年

表二年七月破秦軍漢陽東屠城陽也○正義曰按城陽近濮陽而漢書作陽城大錯誤先登下戶牖

正義曰戶牖沐州東陳留縣東北九十一里東昏故城是破李由軍斬首十六級

賜上間爵孟康曰不在二十爵中如執圭執帛比也如淳曰間或作聞呂氏春秋曰魏文侯東勝齊

於長城天子賞文侯以上間爵○索隱曰張晏云得徑上間晉灼曰各通於天子也如淳引呂氏春秋證上間音中間之

間從攻圍東郡守尉於成武正義曰曹州縣郟敵斬首十

四級捕虜十一人賜爵五大夫從擊秦軍出亳

南索隱曰案亳湯所都今河南偃師有湯亳是○正義曰故城在宋州穀熟縣西南四十里河間守軍

於扛里正義曰地各近城陽破之擊破趙賁軍開封○正義曰

北以郟敵先登斬侯一人首六十八級捕虜二

十七人賜爵卿從攻破楊熊軍於曲遇索隱曰音黠

邑名也○正義曰曲丘兩反遇牛恭反鄭州中年縣有曲遇聚攻宛陵索隱曰地理志屬

陵故城在鄭州新鄭縣東北三十八里先登斬首八級捕虜四十四人

賜爵封號既具成君徐廣曰時賜爵有執帛執圭又有賜

賜封列侯駟案張晏曰食祿比封君而無邑璜曰秦制列侯乃有封爵也○索隱曰小顏云楚漢之際權設寵榮仁其位

號或得邑地或空受爵此例多矣約以秦制於義不通從攻長社輟輟○正義曰許

輟輟門在緱氏縣東南三十里絕河津正義曰古平陰津在河南府東北五十里也東攻秦

軍於尸南正義曰在偃師南攻秦軍於雒牛正義曰在汝州破

南陽守齧於陽城東攻宛城先登西至酈正義曰酈

音酈在鄧州新城縣西北四十里以郟敵斬首二十四級捕虜四

十人賜重封

張晏曰孟益祿也如淳曰正義各也瓚曰增封也。索隱曰張晏臣璿義亦近是如淳

非也小顏以為重封者兼二號蓋為得也攻武關至霸上斬都尉一人首

十級捕虜百四十六人降卒二千九百人項羽

在戲下欲攻沛公沛公從百餘騎因項伯面見

項羽謝無有閉關事項羽既饗軍士中酒

張晏曰酒酣亞父謀欲殺沛公令項莊拔劍舞坐中欲擊

沛公項伯常有蔽之時獨沛公與張良得入坐

樊噲在營外聞事急乃持鐵盾入到營營衛止

噲噲直撞入

漢書音義曰音撞鐘立帳下

徐廣曰一本立帷下

項羽曰之問為誰張良曰沛公參乘樊

噲項羽曰壯士賜之卮酒彘肩噲既飲酒拔劍

切肉食盡之項羽曰能復飲乎噲曰臣死且不

辭豈特卮酒乎且沛公先入定咸陽暴師霸上

以待大王

正義曰時羽未為王史追書大王今日至聽小人之

言與沛公有隙臣恐天下解

正義曰紀買反至此為絕句心疑

大王也項羽默然沛公如廁麾樊噲去既出沛

公留車騎獨騎一馬與樊噲等四人步從從間

道山下歸走霸上軍而使張良謝項羽項羽亦

因遂已無誅沛公之心矣是日微樊噲

噲入營

誦讓項羽沛公事幾殆

索隱曰誦責也亦或作譙。正義幾音祈明日

項羽入屠咸陽立沛公為漢王漢王賜噲爵為

列侯號臨武侯正義曰桂陽臨武縣遷為郎中從入漢中

還定三秦別擊西丞白水北徐廣曰隴西有西縣白水在武都

皆地名也晉灼曰白水今廣魏縣也地理志無西丞似秦將各○索隱曰案西謂隴西之西縣白水各出武都經西縣東南流言噲擊西縣之丞在白水之北且徐廣等說皆非也○正義曰括地志云白馬水源出文州曲水縣西南曾徑孫

山雍輕車騎於雍南破之正義曰上從攻雍救城

先登擊章平軍好時整音胎○索隱曰案雍即扶風

之武功故整城是攻城先登陷陣斬縣令丞各一

人首十一級虜二十人遷郎中騎將從擊秦軍

騎壞東索隱曰小顏亦以為今之地名○正義曰壘鄉在武功縣東南二十里卻敵遷

為將軍攻趙賁下郿正義曰岐州縣槐里柳中咸陽灌

廢立最李奇曰以水灌廢立也張晏曰最功第一也晉灼曰京輔治華陰灌北也○索隱曰案柳中即細柳

也在長安西也灌謂以水灌廢立城陷其功最上也李奇曰廢立即槐里也上有槐里此又言者疑此是小槐里非也案

文云攻趙賁下郿槐里柳中咸陽總言所攻陷之邑別言以水灌廢立其功特最也何者初云槐里稱其新名後言功最

是重舉不欲再見其至櫟陽正義曰雍州縣賜食邑杜之樊

鄉索隱曰案杜陵有樊鄉二秦記曰長安正南山名秦從嶺火口各子午一名樊川一名御宿樊鄉即樊川也

攻項籍屠者棗索隱曰晉灼云檢地理志無者棗功臣表則有者棗侯清河有者棗城小顏以

為攻項籍屠者棗合在河南非清河之城明矣今案續漢書郡國志在濟陰宛胸也○正義曰按其時項羽未度河北其

州信都縣東北五擊破王武程處軍於外黃攻鄒

魯瑕丘薛正義曰兗州縣在州東南六十二里魯兗州縣在徐州滕縣界項羽

敗漢王於彭城盡復取魯梁地噲還至滎陽益食平陰二千戶正義曰平陰故城在濟陽東北五里以將軍守廣武

一歲項羽引而東從高祖擊項籍下陽夏正義曰夏音假陳州大康縣虜楚周將軍卒四千人圍項籍於陳

正義曰大破之屠胡陵正義曰在兗州南項籍既死漢王

為帝以噲堅守戰有功益食八百戶從高帝攻

反燕王臧荼虜荼定燕地楚王韓信反噲從至

陳取信定楚正義曰徐州更賜爵列侯與諸侯剖符

出世勿絕食舞陽號為舞陽侯除前所食以將

軍從高祖攻反韓王信於代自霍人以往正義曰先

累反又蘇果反只山寡反杜預云霍人晉邑也霍人當作後

地理志云後人縣屬太原郡括地志云後人故城在代州繁

時縣界也至雲中正義曰雲中郡縣皆朔州善陽縣與絳侯

等共定之益食千五百戶因擊陳稀與粵丘臣

軍徐廣曰粵一作審甫字戰襄國正義曰邢州城破栢人正義曰邢州縣先登

降定清河常山凡二十七縣殘東垣張晏曰殘有垣所毀也替曰

殘謂多所殺傷也孟子曰害義謂之殘遷為左丞相破得其荼母印尹

潘軍於無終廣昌正義曰在蔚州飛狐縣北七里破稀別將胡人

王黃軍於代南因擊韓信軍於參合正義曰在朔州定襄縣界

軍所將卒斬韓信破稀胡騎橫谷正義曰谷音欲蓋在代斬

將軍趙既虜代丞相馮梁守孫奮大將王黃將

將軍趙既虜代丞相馮梁守孫奮大將王黃將

將軍趙既虜代丞相馮梁守孫奮大將王黃將

將軍趙既虜代丞相馮梁守孫奮大將王黃將

軍大卜太僕解福正義曰姓名等十人與諸將共定

代鄉邑七十二其後燕王盧綰反噲以相國擊

盧綰破其豕相抵薊南索隱曰抵音丁禮反抵訓定

燕地凡縣十八鄉邑五十一益食邑千三百戶

定食舞陽五千四百戶從斬首百七十六級虜

二百八十八人別破軍七下城五定郡六縣五

十二得丞相一人將軍十二人二千石已下至

三百石十一人噲以吕后女為吕須為婦生子

伉故其比諸將最親先黥布又時高祖嘗病甚

惡見人卧禁中詔戶者無得入羣臣羣臣絳灌

等莫敢入十餘日噲乃排闥直入臣大臣

隨之上獨枕一宦者卧噲等見之流涕曰始陛

下與臣等起豐沛定天下何其壯也今天下已

定又何備也且陛下病甚大臣震恐不見臣等

計事顧獨與一宦者絕乎且陛下獨不見趙高

之事乎高帝笑而起其後盧綰反高帝使噲以

相國擊燕是時高帝病甚人有惡噲堂於吕氏

即上一日宮車晏駕則噲欲以兵盡誅滅戚氏

趙王如意之屬高帝聞之大怒乃使陳平載絳

侯代將而即軍中斬噲陳平畏吕后執噲請長

安至則高祖已崩呂后釋噲使復爵邑孝惠六年樊噲卒謚為武侯子伉代侯而伉母呂須亦為臨光侯高后時用事專權大臣盡畏之伉代侯九歲高后崩大臣誅諸呂呂須媵屬索隱曰媵音眷因誅伉舞陽侯中絕數月孝文帝既立乃復封噲他庶子市人為舞陽侯復故爵邑市人立二十九歲卒謚為荒侯子他廣代侯六歲侯家舍人得罪他廣怨之乃上書曰荒侯市人病不能為人正義曰言不能行人道令其夫人與其弟亂而生他廣他廣實非荒侯子不當代後詔下吏孝景中六

年他廣奪侯為庶人國除索隱曰案漢書平帝元始二年封噲玄孫之子音為

舞陽侯曲周侯正義曰故城在洛州酈商者高陽人

邑千戶陳勝起時商聚少年索隱曰酈音歷高陽聚名屬陳留

東西略人得數千沛公略地至陳留六月餘徐

曰案月表曰二世元年九月沛公起兵二世二年二月襲陳留

用酈食其策起兵至此十九月矣食其傳曰既說高帝已乃

言其弟商使從沛公也。索隱曰事與酈生傳及年表小不

同蓋史官意異也。正義曰徐注非也言商先東西略得數

千人及沛公略地至陳留商起兵乃商以將卒四千人

屬沛公於岐索隱曰此地名關蓋在河南陳鄭之界。正義曰高紀云酈食其說沛公襲陳留乃以食其為廣野君酈商為將將陳留兵與借攻開封酈生傳云沛公引兵隨之乃下陳留為廣陽君言其弟酈商使將數千人從沛公西南略地此傳云屬沛公於岐從攻長社政長社按紀傳此說岐當與陳留高陽相近也

先登賜爵封信成君從沛公攻緱氏絕河津破

秦軍洛陽東從攻下宛穰定十七縣別將攻旬

關漢書音義曰洛陽中甸陽縣音詢。索隱曰案在漢中甸陽縣。水上之關也。定漢中項

羽滅秦立沛公為漢王漢王賜商爵信成

君以將軍為隴西都尉別將定北地正義曰

上郡正義曰破雍將軍烏氏音支。索隱曰烏

義曰縣乃在涇州安定縣之東四十里也。正

周類軍

柁邑索隱曰柁邑在邠州地。蘇駟軍於泥陽

徐廣曰里志屬右扶風柁音苟。蘇駟軍於泥陽

源出羅川縣東北泥陽源則有泉於泥中壻流二十

餘步而流入泥谷又有泥陽源在縣東北四十里賜

食邑武成六千戶

正義曰縣在華州鄭縣東十二里

以隴西都尉

從擊項籍軍五月出鉅野與鍾離昧戰疾關受

梁相國印益食邑四千戶以梁相國將從擊項

羽二歲三月攻胡陵項羽既已死漢王為帝其

秋燕王臧荼反商以將軍從擊荼戰龍脫徐廣曰在

燕趙之界駟案漢書音義曰地名。索隱曰其地關先登陷陣破荼軍易下正義

易州卻敵遷為右丞相賜爵列侯與諸侯剖符

世世勿絕食邑五千戶正義曰號曰丞侯以

右丞相別定上谷正義曰因攻代受趙相國印以

右丞相趙相國別與絳侯等定代鴈門得代丞

長

相程縱守相郭同將軍已下至六百石十九人
還以將軍為太上皇衛一歲七月以右丞相擊
陳豨殘東垣又以右丞相從高帝擊黥布攻其
前拒徐廣曰一作和駟謂拒方陳拒音矩。索隱曰拒音巨。蘇氏引左傳有左拒右拒徐云一作和和軍門也。漢書作前垣小類以為攻其壁壘之垣也。李奇以為前鋒堅蔽若垣墻非也。陷兩陳得以破
布軍更食曲周五千一百戶除前所食凡別破
軍三降定郡六縣七十三得丞相守相大將各
一人小將二人二千石已下至六百石十九人
商事孝惠高后時商病不治文穎口不能治官事其子寄字
況索隱曰酈寄字也。蘇氏本作况亦音况。與呂祿善及高后崩大臣欲

誅諸呂呂祿為將軍軍於北軍太尉勃不得入
北軍於是乃使人劫酈商令其子況給呂祿索隱曰給欺也。詐也音待。呂祿信之故與出游而太尉勃乃得入
據北軍遂誅諸呂是歲商卒謚為景侯子寄代
侯天下稱酈況賣交也班固曰夫賣交者謂見利而執劫雖權呂祿以安社稷諱存君親可也。忘義也若寄父為功臣而又
以寄為將軍圍趙城十月不能下得俞侯欒布
自殺除國孝景中二年寄欲取平原君為夫人
蘇林曰景帝王皇后母臧兒也。景帝怒下寄更有罪奪侯景帝乃

蘇林曰景帝王皇后母臧兒也。景帝怒下寄更有罪奪侯景帝乃

以商他子堅封為繆侯

徐廣曰繆者更封邑各諡曰靖。索隱曰繆音穆邑也漢

書無續酈氏後繆靖侯卒子康侯遂成立遂成

卒子懷侯世宗立一作他世宗卒子侯終根立

為太常坐法國除

汝陰侯正義曰汝陰即今陽城夏侯嬰沛人也為沛廐司御

索隱曰案楚漢春秋云滕公為御也每送使客還過沛泗上亭與高

祖語未嘗不後日也嬰已而試補縣吏與高祖

相愛高祖戲而傷嬰人有告高祖韋昭曰告白也

高祖時為亭長重坐傷人如淳曰為吏傷人其罪重也告故不

傷嬰晉灼云獄結竟呼囚鞠語罪狀囚若稱枉欲乞鞠各

許之嬰女證之後獄覆索隱曰案韋昭曰高帝自言不

嬰女坐高祖繫歲餘掠笞數百終以是脫高祖高

祖之初與徒屬欲攻沛也嬰時以縣令史為高

祖使上降沛一日正義曰上為戶偽反使所吏又高祖

為沛公賜嬰爵七大夫以為太僕從攻胡陵嬰女

與蕭何降泗水監平張晏曰胡陵平所止縣向嘗給之故與降也平以胡

陵降賜嬰爵五大夫從擊秦軍碭東攻濟陽下

戶牖破李由軍雍丘下以兵車趣攻戰疾賜爵

執帛常以太僕奉車從擊章邯軍東阿濮陽下

以兵車趣攻戰疾破之賜爵執珪復常奉車從

擊趙賁軍開封楊熊軍曲遇嬰從捕虜六十八

人降卒八百五十人得印一匱索隱曰案說文云匱匣也謂得其時

白相部因復常奉車從擊秦軍雒陽東以兵車

趣攻戰疾賜爵封轉為滕公徐廣曰今也軻案鄧展曰今沛郡公丘漢書曰

嬰為滕令奉車故號滕公。正義曰滕即因復奉車從

攻南陽戰於藍田芷陽索隱曰芷音止地名今霸陵也在京兆縣以兵

車趣攻戰疾至霸上項羽至滅秦立沛公為漢

王漢王賜嬰爵列侯號昭平侯復為太僕從入

蜀漢還定三秦從擊沛籍至彭城項羽大破漢

軍漢王敗不利馳去見孝惠魯元載之漢王急

馬罷虜在後常蹶兩兒欲棄之

索隱曰蹶音厥又音巨月反一音居

衛反漢書嬰常帛收竟載之徐行面雍樹乃馳服

作發音檢曰高祖欲斬之故嬰圍樹走也面向樹也應劭云古者皆立

東嬰恐小兒隊去各置一面雍持之樹也蘇林曰南陽人謂

抱小兒為雍樹面者大人以面首向臨之小兒抱大人頸似

懸樹也。索隱曰蘇林與晉皆同今則無其言或當時有

此說其應服漢王怒行欲斬嬰者十餘卒得脫而

置孝惠魯元於曲陽漢王既至榮陽收散兵復振

賜嬰食祈陽徐廣曰祈一作沂。索隱曰蓋復常奉

車從擊項籍追至陳卒定楚至魯益食茲氏索隱曰縣名也地漢王立為帝其秋燕王臧荼反嬰以

剖符出世世勿絕以太僕從擊代至武泉雲中索

曰地理志武泉屬雲中○正義曰二縣在朔州善陽縣界益食千戶因從擊韓信

軍胡騎晉陽旁大破之追北至平城為胡所圍

七日不得通高帝使使厚遺闕氏冒頓開圍一

角高帝出欲馳嬰固徐行弩皆持滿外向卒得

脫益食嬰細陽千戶索隱曰地理復以太僕從

擊胡騎句注北大破之以太僕擊胡騎平城南

三陷陳功為多賜所奪邑五百戶漢書音義曰時

以賜以太僕擊陳豨黥布軍陷陳卻敵益食千

戶定食汝陰六千九百戶除前所食嬰自上初

起沛常為太僕竟高祖崩以太僕事孝惠孝惠

帝及高后德嬰之脫孝惠魯元於下邑之間也

正義曰宋州賜山縣乃賜嬰縣北第第一曰近我以尊異之

孝惠帝崩以太僕事高后高后崩代王之來嬰

以太僕與東牟侯入清宮廢少帝以天子法駕

迎代王代邸與大臣共立為孝文皇帝復為大

僕八歲卒謚為文侯索隱曰案姚氏云二輔故事曰

俗謂之馬家博物志曰公卿送嬰葬至東都門外馬不行搭

地悲鳴得石椁有銘曰佳城鬱鬱三千年見白日于嗟滕公

居此室乃葬之子夷侯竈立七年卒子共侯賜立三十一

一年卒子侯頗尚平陽公主立十九歲元鼎一

年坐與父御婢姦罪自殺國除

穎陰侯

正義曰今陳州南潁縣西北十三里潁陰故城是

灌嬰者睢陽敗繒

者也

正義曰宋州宋城縣

高祖之為沛公略地至雍丘下

章邯敗殺項梁而沛公還軍於碭嬰初以中涓

從擊破東郡尉於成武及秦軍於扛里疾鬪賜

爵七大夫從攻秦軍亳南開封曲遇戰疾力服

日疾賜爵執帛號宣陵君從攻陽武以西至雒

陽破秦軍尸北北絕河津南破南陽守齧陽城

東遂定南陽郡西入武關戰於藍田疾力至霸朝

上賜爵執珪號昌文君

石皆非爵士加美號耳

沛公

立為漢王拜嬰為郎中從入漢中十月拜為中

謁者從還定三秦下櫟陽降塞王還圍章邯於

廢丘未拔從東出臨晉關擊降殷王定其地擊

項羽將龍且魏相項他軍走陶南疾戰破之賜

嬰爵列侯號昌文侯食杜平鄉

索隱曰謂食杜縣之平鄉

復以

中謁者從降下碭以至彭城項羽擊大破漢王

漢王遁而西嬰從還軍於雍丘王武魏公申徒

反

張曼曰秦將降為公今反

從擊破之攻下黃

正義曰故城在曹州考城縣東

西收兵軍於滎陽楚騎來眾漢王乃擇軍

中可為車騎將者皆推故秦騎士重泉人

徐廣曰重

泉屬馮翊。正義曰：故城在李必駱甲習騎兵。今為

同州蒲城縣東南四十五里。校尉可為騎將。索隱曰：必甲二人名也。姚氏案：漢紀：桓

帝延熙三年追錄高祖功臣李必。後黃

門丞李遂為晉。漢王欲拜之。必甲曰：臣故秦民，恐

軍不信。臣願得大王左右善騎者傳之。如淳曰：傳

音附猶言灌嬰雖少，然數力戰，乃拜灌嬰為中大

夫。今李必駱甲為左右校尉，將郎中騎兵，擊楚

騎於滎陽東，大破之。受詔別擊楚軍，後絕其餉

道。起陽武至襄邑，擊項羽之將項冠於魯。下破

之所將卒，斬右司馬騎將各一人。張晏曰：主右方及擊

破拓公王武軍於燕西。徐廣曰：拓屬陳。索隱曰：安亦

淮陽國按滑州。昨所將卒，斬樓煩將伍人。李奇曰：樓煩縣

名其人善騎射，故以名射士。為樓煩取其連尹一人。張晏

美稱，未必樓煩人也。張晏曰：樓煩，胡國名。傳莫敖連尹宮廐尹是。擊手武別將桓嬰白馬下破

之所將卒，斬都尉一人，以騎渡河南，送漢王到

雒陽，使北迎相國韓信軍於邯鄲，還至敖倉。嬰

遷為御史大夫。三年，以列侯食良邑。杜平鄉以御

史大夫受詔，將郎中騎兵，東屬相國韓信，擊破

齊軍於歷下。所將卒，虜車騎將軍華毋傷及將

吏四十六人，降下臨菑，得齊守相田光，追齊相

田橫至，烹博破其騎。所將卒，斬騎將一人生得。

長七

騎將四人攻下羸博破齊將軍田吸於千乘所

將卒斬吸東從韓信攻龍且留公於高密山索隱曰留

縣令稱公旋其名高密縣各在北海漢書作假密假密地名不知所在未知孰是耳○正義曰留縣在沛郡公其今

斬龍且文穎曰所將卒生得右司馬連尹各一人樓煩

將十人身生得亞將周蘭齊地已定韓信自立

為齊王使嬰別將擊楚將公杲於魯北破之轉

南破薛郡長身虜騎將一人攻博陽前至下相

以東南僮取慮徐索隱曰取音秋慮音問取又音度

淮盡降其城邑至廣陵漢書音義曰住廣陵以禦敵

盡降城邑乃至廣陵皆平定也項羽使項聲薛公郊公復定淮北

嬰度淮北擊破項聲郊公下邳正義曰邳音斬薛

公下下邳擊破楚騎於平陽索隱曰小顏云此平陽

東平陽縣○正義曰南平陽縣城今兗州鄒縣也在兗遂降

彭城虜柱國項佗降留薛沛鄭蕭相攻苦譙正義

曰戶焦復得亞將周蘭與漢王會頤鄉徐廣曰苦

二音音以之反從擊項籍軍於陳下破之所將卒斬樓

煩將二人虜騎將八人賜益食邑二千五百戶

項籍敗垓下去也嬰以御史大夫受詔將車騎

別追項籍至東城正義曰縣在濠州定破之所將

卒五人共斬項籍皆賜爵列侯降左右司馬各

一人卒萬二千人盡得其軍將吏下東城歷陽

正義曰和州歷陽縣即今州城是也渡江破吳郡長吳下

如淳曰雄長之長也○索隱曰下有郡守此長即令也如淳以為雄長非也○正義曰今蘇州也按如說非也吳郡長即吳郡守也一破吳郡長兵

於吳城下而得吳郡守身也得吳守遂定吳豫章會稽郡還定

淮北凡五十二縣漢王立為皇帝賜益嬰婁邑三

千戶其秋以車騎將軍從擊破燕王臧荼明年

從至陳取楚王信還剖符世世勿絕食潁陰二

千五百戶號曰潁陰侯以車騎將軍從擊反韓

王信於代至馬邑受詔別降樓煩以北六縣斬

代左相破胡騎於武泉北

正義曰縣名在朔州北一百二十里

復從

擊韓信胡騎晉陽下所將卒斬胡白題將一人

服虔曰胡名也受詔并將燕趙齊梁楚車騎擊破胡騎於

沙石

服虔曰沙音沙○索隱曰劉氏音千卧反

至平城為胡所圍從還

軍東垣從擊陳豨受詔別攻豨丞相侯敞軍曲

逆下破之卒斬敞及特將五人

文穎曰特一之特也

降曲逆

盧奴上曲陽安國安平

正義曰盧奴定州安喜縣是曲陽定州曲陽縣是安平定

州安平縣攻下東垣黥布反臣車騎將軍先出攻布

別將於相破之斬亞將樓煩將三人又進擊破

布上柱國軍及大司馬軍又進破布別將肥誅

徐廣曰一作誅○索隱曰案漢書作肥誅嬰身生得左司馬一人所將

卒斬其小將十人追北至淮上益食二千五百
戶布已破高帝歸定令嬰食潁陰五千戶除前
所食邑凡從得二千石二人別破軍十六降城
四十六定國一郡二縣五十二得將軍二人柱
國相國各一人二千石十人嬰自破布歸高帝
崩嬰以列侯事孝惠帝及呂太后太后崩呂祿
等以趙王自置為將軍軍長安為亂齊哀王聞
之舉兵西且入誅不當為王者上將軍呂祿聞
之乃遣嬰為大將將軍往擊之嬰行至滎陽乃
與絳侯等謀因屯兵滎陽風齊王呂誅呂氏事

正義曰風
方鳳反

齊兵止不前絳侯等既誅諸呂齊王罷

兵歸嬰亦罷兵自滎陽歸與絳侯陳平共立代
王為孝文皇帝孝文皇帝於是益封嬰三千戶
賜黃金千斤拜為太尉三歲絳侯勃免相就國
嬰女為丞相罷太尉官是歲匈奴大入北地上郡
令丞相嬰將騎八萬五千往擊匈奴匈奴去濟
北王反詔乃罷嬰之兵後歲餘嬰以丞相卒謚
曰懿侯子平侯阿代侯二十八年卒子彊代侯
十二年彊有罪絕二歲元光三年天子封灌嬰
孫賢為臨汝侯續灌氏後八歲坐行賕有罪國

除

太史公曰吾適趙且沛問其遺老觀故蕭曹樊噲
滕公之家及其素異哉所聞方其鼓刀屠狗賣
繒之時豈自知附驥之尾垂名漢庭德流子孫
哉余與他廣通為言高祖功臣之興時若此云

索隱曰案他廣樊噲曾之孫後失封蓋嘗訝太史公序
蕭曹樊滕之功委具則從他廣而得其事故備也

索隱述贊曰

聖賢影響 雲蒸龍變 屠狗販繒

攻城野戰 扶義西上 受封南面

酈況賣父 舞陽內援 滕灌更王

亦并葉繁衍

樊大酈滕灌列傳第二十五 史記九十五

張丞相列傳第三十六

史記九十六

張丞相蒼者陽武人也

索隱曰案縣名屬陳留也

好

書律曆秦時為御史主柱下方書

如淳曰方版也謂書事在版上

者也秦以上置柱下史蒼為御史主其事或曰四方文書○索隱曰周秦皆有柱下史謂御史也所掌及侍立恒在殿柱之下故老聃為周柱下史今蒼在秦代亦居斯職方書者方板謂小事書之於板也或曰主四方文書也姚氏以為下云明習天下圖書計籍王郡上計則方為四方文書是也有罪亡歸及沛公略地

過陽武蒼以客從攻南陽蒼坐法當斬解衣伏

質

索隱曰小顏云質鉗也

身長大肥白如瓠時王陵見而

怪其美士乃言沛公赦勿斬遂從西入武關至

咸陽沛公立為漢王入漢中還定三秦陳餘擊

走常山王張耳耳歸漢漢乃以張蒼為常山守
從淮陰侯擊趙蒼得陳餘趙地已平漢王以蒼
為代相備邊寇已而徙為趙相趙王耳耳卒
相趙王敖復徙相代王燕王臧荼反高祖往擊
之蒼以代相從攻臧荼有功以六年中封為北
平侯食邑千二百戶遷為計相文穎曰能計一月
更以列侯為主計四歲張晏曰以列侯典校郡國簿書
與計相同時所卒立非久施也○索隱曰謂是時蕭何為
改計相之名更名主計也此蓋權時立號也相國而張蒼乃自秦時為柱下史明習天下圖
書記籍蒼又善用筭律曆故令蒼以列侯居相

府領主郡國上計者黥布反亡漢立皇子長為
淮南王而張蒼相之十四年遷為御史大夫

周昌者沛人也其從兄曰周苛秦時皆為泗水
卒史及高祖起沛擊破泗水守監於是周昌周

苛自卒史從沛公沛公以周昌為職志徐廣曰王

索隱曰官名也職也志旗幟也謂掌旗幟之官也音昌志反周苛為客張晏曰為

不掌從入關破秦沛公立為漢王以周苛為御

史大夫周昌為中尉漢王四年楚圍漢王滎陽
急漢王遁出去而使周苛守滎陽城楚破滎陽
城欲令周苛將苛罵曰若趣降漢王不然今為

虜矣項羽怒亨周苛徐廣曰四月也於是乃拜周昌

為御史大夫常從擊破項籍以六年中與蕭曹

等俱封封周昌為汾陰侯周苛子周成以父死

事封為高景侯徐廣曰元年封封三十九年文帝後元四年謀反死國除昌為人

彊力敢直言自蕭曹等皆卑下之昌嘗燕時入

奏事漢書曰昌義曰以上宴時入奏事高帝方擁戚姬昌還走高

帝逐得騎周昌項問曰我何如主也昌仰曰陛

下即桀紂之主也於是上笑之然尤憚周昌及

帝欲廢太子而立戚姬子如意為太子大臣固

爭之莫能得上以留侯策即止而周昌廷爭之

彊上問其說昌為人吃又盛怒曰臣口不能言

然臣期期知其不可正義曰期以口吃每語故重言期期也陛下雖欲

廢太子臣期期不奉詔上欣然而笑既罷吕后

側耳於東廂聽韋昭曰殿東堂也。索隱曰小顏云正寢之東西室皆號曰箱言以箱篋之形也

見周昌為詭謝曰微君太子幾廢索隱曰幾依反是

後戚姬子如意為趙王年十歲高祖直愛即萬歲

之後不全也趙堯年少為符璽御史趙人方與

公孟康曰方與縣名公其號璽曰方與縣令也謂御史大夫周昌曰君之史

趙堯年雖少然竒才也君必異之是且代君之

位周昌笑曰堯年少乃筆吏耳正義曰古用簡禮書有錯謬以刀削

之故號曰何能至是乎居頃之趙堯待其四祖高祖
刀筆吏獨心不樂悲歌羣臣不知上之所以然趙堯進
請問曰陛下所為不樂非為趙王年少而戚夫
人與呂后有卻邪備萬歲之後而趙王不能自
全乎高祖曰然吾私憂之不知所出伏小隱曰謂不
知其計所出
堯曰陛下獨宜為趙王置貴疆相乃入呂后太
子羣臣素所敬憚乃可高祖曰然吾人心之欲如
是而羣臣誰可者堯曰御史大夫周曰曰其人有
堅忍質直且自呂后太子及大臣皆皇系敬憚之
獨昌可高祖曰善於是乃召周昌謂曰吾欲固

煩公公彊為我相趙王正義曰相談世論云使周相趙

夫人善事呂后則如意無斃也周昌泣曰臣初起從陛下陛下獨

奈何中道而棄之於諸侯乎高祖曰吾極知其

左遷索隱曰諸侯王表有左官之律韋昭以為左猶下也
禁不得下仕於諸侯士也然地道尊右右貴左賤故謂

他皆此類然吾私憂趙王念非公無可者公不

得已彊行於是徙御史大夫周昌為趙相既行

父之高祖持御史大夫印弄之曰誰可以為御

史大夫者孰視趙堯曰無以易堯遂拜趙堯為

御史大夫徐廣曰十年也堯亦前有軍功食邑及以御

史大夫從擊手陳豨有功封為江邑侯徐廣曰高

祖崩呂太后使使召趙王其相周昌令王稱疾
不行使者三反周昌固為不遣趙王於是高后
患之乃使使召周昌周昌至謁高后高后怒而
罵周昌曰爾不知我之怨戚氏乎而不遣趙王
何昌既徵高后使使召趙王趙王果來至長安
月餘飲藥而死周昌因謝病不朝見三歲而死
徐廣曰謚悼也。索隱曰漢書列傳及表咸言周昌謚悼韋昭云或謚惠非也漢書又曰傳子至孫意有罪國除景帝復封昌孫左車為安陽侯有罪國除也後五歲正義曰高后之年高后聞御史大
夫江邑侯趙堯高祖時定趙王如意之畫乃抵
堯罪徐廣曰呂后元年國除以廣阿侯任敖為御史大夫

任敖者故沛獄吏高祖嘗辟吏正義曰吏較呂后音吏較呂
后遇之不謹任敖素善音同祖怒擊傷主呂后吏
及高祖初起敖以客從為御史守豐二歲高祖
立為漢王東擊項籍敖遷為上黨守陳豨反時
敖堅守封為廣阿侯食千八百戶高后時為御
史大夫三歲免徐廣曰文帝二年任敖卒謚懿侯曾孫越人元鼎二年為太常坐酒酸國除
案漢書任敖孝文元年薨徐誤也。索隱曰皆徐氏據漢書為記而誤云二年裴駟又引任安書證為得其實。正義曰按史記書表云孝文二年卒漢表又云封九十年卒計高祖十一年封到文帝二年則十九年矣而漢書誤裴氏不考乃云徐誤何其二過也以平陽侯曹窋為御史大夫高后崩不
與大臣共誅呂祿等免以淮南相張蒼為御史

大夫蒼與絳侯等尊立代王為孝文皇帝四年
丞相灌嬰卒張蒼為丞相自漢興至孝文二十
餘年會天下初定將相公卿皆軍吏張蒼為計
相時緒正律曆文穎曰緒尋也以高祖十月始至
霸上因故秦時本以十月為歲首弗革推五德
之運以為漢當水德之時尚黑如故正義曰姚察云秦君是秦人
猶用推五勝之法以周赤鳥為火漢勝火以水也吹律調樂人之音聲耳及以
比定律令如淳曰比謂五音清濁各有所比也以定十二
取類以定法律與條令也正義曰謂以比故
曰比音鼻或音必履反謂比方也若白工天下作程品
如淳曰若順也百工為器物皆有尺十斤兩皆使得宜且至
此之謂順晉灼曰若頤及之辭○索隱曰晉灼說為得

於為丞相卒就之故漢家言律曆者本之張蒼
蒼本好書無所不觀無所不通而尤善律曆漢書
曰著書十八篇張蒼德王陵王陵者安國侯也及
蒼貴常父事王陵陵死後蒼為丞相洗沐常先
朝陵夫人上食然後敢歸家蒼為丞相十餘年
魯人公孫臣上書言漢土德時其符有黃龍當
見詔下其議張蒼張蒼以為非是罷之其後黃
龍見成紀於是文帝召公孫臣以為博士草土
德之曆制度更元年張丞相由此自絀謝病稱
老蒼任人為中候張晏曰所選保任者大為姦利

史記卷一百一十五 律曆書

上以讓蒼蒼遂病免蒼為丞相十五歲而免孝

景前五年蒼卒謚為文侯子康代侯八年卒子

類徐廣曰一作類音曠代為侯八年坐臨諸侯喪後就位

不敬國除索隱曰案漢書云傳子至孫類有罪國除今此文康代八年卒子顛代侯則顛即類與漢書略

也初張蒼父長不滿五尺及生蒼蒼長八尺餘

為侯丞相蒼子復長漢書云長八尺及孫類長六尺餘

坐法失侯蒼之免相後老口中無齒食乳女子

為乳母妻妾以百數嘗孕者不復幸蒼年百有

餘歲而卒

申屠丞相嘉者汜人徐廣曰勇健有材力開張駟案以材官蹶張

如淳曰材官之多不能脚蹶強弩張之故曰蹶張律有蹶張士○索隱曰孟康曰主張強弩蹶音其月反漢令曰蹶張士

百人從高帝擊項籍遷為隊率索隱曰從擊黥

布軍為都尉孝惠時為淮陽守孝文帝元年舉

故吏士二千石從高皇帝者悉以為關內侯食

邑二十四人而申屠嘉食品五百戶張蒼已為

丞相嘉遷為御史大夫張蒼免相徐廣曰後二年八月孝

文帝欲用皇后弟竇廣國為丞相曰恐天下以

吾私廣國廣國賢有行故欲相之念久之不可

而高帝時大臣又皆多死餘見無可者乃以御

史大夫嘉為丞相因故邑封為故安侯正義曰今易州界武

陽城中東南
偶故城是也

嘉為人廉直門不受私謁是時太中

大夫鄧通方隆愛幸賞賜累巨萬文帝嘗燕飲
通家其寵如是是時丞相入朝而通居上傍有
怠慢之禮丞相奏事畢因言曰陛下愛幸臣則
富貴之至於朝廷之禮不可以不肅上曰君勿
言吾私之罷朝坐府中嘉為檄召鄧通詣丞相
府不來且斬通通恐入言文帝曰汝第往
吾今使人召若通至丞相府免冠徒跣頓首謝
嘉坐自如故不為禮責曰夫朝廷者高皇帝之
朝廷也通小臣戲殿上大不敬當斬吏令行斬

之

如淳曰嘉語其吏
曰今便行斬之

通頓首首盡出血不解文帝

度丞相已困通使使者持節召通而謝丞相曰
此吾弄臣君釋之鄧通既至為文帝泣曰丞相
幾殺臣嘉為丞相五歲孝文帝崩孝景帝即位
二年鼂錯為內史貢幸用事諸法令多所請變
更議以謫罰侵削諸侯而丞相嘉自絀所言不
用疾錯錯為內史門東出不便更穿一門南出
南出者太上皇廟堧垣服虔曰宮外垣也如淳曰堧
音畏悞而悞○索隱曰悞音
乃喚反韋昭音
而緣反又音軟嘉聞之欲因此以法錯擅穿宗廟
垣為門奏請誅錯錯客有語錯恐夜入宮上

謁自歸景帝正義曰自歸帝首露至朝丞相奏請誅內史

錯景帝曰錯所穿非真廟垣乃外墼垣故他官

居其中索隱曰漢書曰作允官謂散官且又我使為之錯無罪罷

朝嘉謂長史曰吾悔不先斬錯乃先請之為錯

所賣至舍因歐血而死謚為節侯子共侯茂代

三年卒子侯去病代三十一年卒徐廣曰一本無此去病而云共

侯茂三十二年子子侯史代六歲坐為九江太守

受故官送有罪國除自由屠嘉死之後景帝時

開封侯陶青桃侯劉舍為丞相徐廣曰陶青高祖功臣陶舍之子也

及今上時柏至侯許益夷劉舍本項氏親也賜姓劉氏父襄佐高祖有功舍謚哀侯

昌徐廣曰高祖功臣許溫之孫謚哀侯平棘侯薛澤徐廣曰高祖功臣廣平侯薛歐之孫

武彊侯莊主徐廣曰高祖功臣莊不識之孫高陵侯趙

周徐廣曰周父夷吾為楚王戊太傅諫爭而一死等為丞相皆以列侯繼

嗣徐廣曰媯音側角反小顏云特整之貌漢書作躄躄音初角反尚書斷音都亂反義如

能發明功名有著於當世者尚書斷音都亂反義如庶不謹為丞相備負而已無所

太史公曰張蒼文學律曆為漢名相而絀賈生

公孫臣等言正朔服色事而不遵明用秦之額

項曆何哉張晏曰不考經典周昌木彊人也正義曰

任敖以舊德用張晏曰謂傷辱呂后吏申屠嘉可

直掘強如木石焉

謂剛毅守節矣然無術學殆與蕭曹陳平異矣
孝武時丞相多甚不記莫錄其行起居狀略且
紀征和以來有車丞相長陵人也名千卒而有
韋丞相代索隱曰自車千秋已下皆褚先生等所記然丞相傳都省略漢書則備
韋丞相賢者魯人也以讀書術為吏至大鴻臚
有相工相之當至丞相有男四人使相工相之
至第二子其名玄成相工曰此子貴當封韋丞
相言曰我即為丞相有長子是安從得之後竟
為丞相病死而長子有罪論不得嗣而立玄成
玄成時佯狂不肯立竟立之有讓國之名後坐

騎至廟不敬有詔奪爵一級為關內侯失列侯
得食其故國邑韋丞相卒有魏丞相代

魏丞相相者濟陰人也以文吏至丞相其人好
武皆令諸吏帶劔帶劔前奏事或有不帶劔者
當入奏事至乃借劔而敢入奏事其京兆尹

趙君名廣漢丞相奏以免罪使執魏欲求

脫罪而不聽復使人脅恐魏相以上人賊殺

侍婢事而私獨奏請驗之發吏卒至相舍捕

奴婢笞擊問之實不以兵刃殺也而丞相司直

繫索隱曰繫亦君姓也音婆奏京兆尹趙君迫脅丞相誣以

張

夫人賊殺婢發吏卒圍捕丞相舍不道又得擅
屏騎士事趙京兆坐要斬又有使掾陳平等劾
中尚書疑以獨擅劫事而坐之大不敬長史以
下皆坐死或下蠶室而魏丞相竟以丞相病死
子嗣後坐騎至廟不敬有詔奪爵一級為關內
侯失列侯得食其故國邑魏丞相卒以御史大
夫邴吉代

邴丞相吉者魯國人也以讀書好法令至御史
大夫孝宣帝時以有舊故封為列侯而因為丞
相明於事有大智後世稱之以丞相病死子顯

嗣後坐騎至廟不敬有詔奪爵一級失列侯得
食故國邑顯為吏至大僕坐官耗亂身及子男
有姦賊免為庶人邴丞相卒黃丞相代長安中
有善相工田文者與韋丞相魏丞相邴丞相微
賤時會於客家田文言曰今此三君者皆丞相
也其後三人竟更相代為丞相何見之明也

黃丞相霸者淮陽人也以讀書為吏至潁川太
守治潁川以禮義條教喻告化之犯法者風曉
令自殺化大行名聲聞孝宣帝下制曰潁川太
守霸以宣布詔令治民道不捨遺男女異路獄

中無重囚賜爵關內侯黃金百斤徵為京兆尹
而至丞相復以禮義為治以丞相病死子嗣後
為列侯黃丞相卒以御史大夫于定國代于丞
相已有廷尉傳在張廷尉語中于丞相去御史
大夫韋玄成代

韋丞相玄成者即前韋丞相子也代父後失列
侯其人少時好讀書明於詩論語為吏至衛尉
徙為太子太傅御史大夫薛君免名廣德也為御史
大夫于丞相乞骸骨免而為丞相因封故邑為
扶陽侯數年病死孝元帝親臨喪賜賞甚厚子

嗣後其治容容隨世俗浮沉而見謂譎巧而相
工本謂之當為侯代父而後失之復自游宦而
起至丞相父子俱為丞相世間美之豈不命哉
相工其先知之韋丞相卒御史大夫匡衡代
丞相匡衡者東海人也好讀書從博士受詩家
貧衡傭作以給食飲才下數射策不中至九乃
中丙科其經以不中科故明習補平原文學卒
史數年郡不尊敬御史徵之以補百石屬薦為
郎而補博士拜為太子少傅而事孝元帝孝元
好詩而遷為光祿勳居殿中為師授教左右而

縣官坐其旁聽其善之日以尊貴御史大夫鄭
弘坐事免而匡君為御史大夫歲餘韋丞相死
匡君代為丞相封樂安侯以十年之間不出長
安城門而至丞相豈非遇時而命也哉深惟士
之游宦所以至封侯者微甚徐廣曰微一作微然多至御
史大夫即去者諸為大夫而丞相次也其心冀
幸丞相物故也高堂降答魏朝訪曰物無也或乃陰
私相毀害欲代之然守之日久不得或為之口
少而得之至于封侯真命也夫御史大夫鄭君
守之數年不得匡君居之未滿歲而韋丞相死

即代之矣豈可以智巧得哉多有賢聖之才困
危不得者眾甚也索隱曰案此論匡衡已來事則後人

以何
証也

索隱述贊曰

張蒼主計 天下作程 孫臣始絀

秦曆尚行 御史亞相 相國阿衡

申屠面折 周子廷爭 其他姘姘

無所發明

張丞相列傳第三十六

史記九十六

